

حقوقى بىلىپلەر مجموعهسى

هر آيك اون بىشنده نشر اولنور

قانونیه سی ظرفنده و شرائط لازمه دائره سنده شرکت مذکور و کیلی طرفندن باعریحال طلب اولونمقله اعلام مذکور طرفینک لوایح متقابله لری ایله برلکده تدقیق و مطالعه و ایجاب کیفیت مذاکره اولوندقده مستند بولندیغی اسباب موجبیه نظراً حکم تمیز به اصول و قانونه موافق و لایحه مندرجاتی غیر وارد اولدیغندن اعتراضات مسروودنک ردبله اصول محاکمه حقوقیه قانوننک ۲۴۲ نجی ماده سنک فقره اخیره سی موجبجه حکم مذکورک تصدیقه وزیرده مفرداتی مرقم مصارف تمیزیه نک مستدعی تمیزه عائدیته ۳۱ تشرین اول ۹۲۶ تاریخنده متفقاً قرار ویرلدی .

Bibliographie

کتابلر

ایضاحی

تطبیقات حقوقیه

استانبول حقوق فاکولته سی تطبیقات حقوقیه معلمی جواد عبدالرحیم بک حقوقه عائد قانونلرک «حادثاته تطبیقده رسوخ پیدا ایدلسی» غایه سی استهداف ایدرک «ایضاحی تطبیقات حقوقیه» عنوانیه مهم بر اثر نشر ایتمشدر. «یکی بره نسایلر وقانون مدنی ایله هم آهنگ احکام وضع ایدن محاکمه نک لایققله تطبیقی ایچون قانون مدنی بورجلر و تجارت قانونلرینک دعوا ایله مناسبتدار بر چوق ماده لرینده خاطر لایق ایجاب ایدر . اوراق عدلیه یی تنظیم ایدرکن بوتون بو قانونلری پیش تأمله آلق لازمدر . بناء علیه باصمه قالب بعض فورموللر، اوراق عدلیه نمونه لری ترتیبیه احتیاج عظیمدر . نمونه لر سیایه سنده بر چوق احکام قانونیه خاطره کله جک و خطالر آزالاقدردر . اوزوق زمان دوام ایدن حاکمک و آووقاتلق مسلکی اعتباربله اصول محاکمه نک تطبیقات عملیه سنده یوک بر اختصاص قزائمش و یکی حقوق اصول محاکمه لری قومیسوندن مطالعه لری ایله رفقاسی تنویر ایتمش اولان آرقداشمز، نشر ایتدکلری بو اثر ایله مهم بر بوشلنی دولدریور .

جواد بکک اثرینی مختلط حکم محکمه سی تورک آزانی وصفی راشد بکک ایکی حقوق اصول محاکمه لری قانونی «تطبیقات و صک» عنوانی اثرلری تعقیب ایتمشدر . جواد بک تطبیقات حقوقیه نک موضوعی اصول حقوقی اولارق قبول ایتمش ایسه ده قانون مدنی، بورجلر قانونی، تجارت قانوننک دعوایه اهلیته، خصومه، وکاله صلحه ،

مرور زمانه، دعوایک عدم مسموعیتنه دائر اولان احکامنی ده کوزدن بکیرمشد. اصول محاکمه‌ک فصولی احکامنی خلاصه ایتدکن صوکر، هر برنی تعقیباً اوراق عدلیه نمونه‌لری درج ایتشد.

مؤلف؛ اثرینک مقدمه‌سنده، یکی اصول محاکمه قانوننک طرز احضاری حقنه معلومات ویرمش واستانبول قومیسونی طرفندن احضار ایدیش اولان لایحه ایله قانون آراسنده بر مقایسه یامشد. جواد بک، عمومیتله لایحه‌ی مدافعه ایتش و مأخذله مطابق اولمایان تعدیلاتی تنقید ایتشد. مؤلف ده ایلریده تحیفه: ۱۵۰. بوتعدیلاتک حقیقی اسباب موجب سنی تشکیلات عدلیه مزک اوروپا تشکیلات عدلیه سینه بکزه مه‌سنده بولمقددر. مؤلف دییورکه: «ا کر اصول محاکمه دن اول اوروپائی تشکیلات عدلیه اولسه ایدی انجمن عدلیه یکی اصول محاکمه‌ک مأخذی اولان نوشاتل اصول محاکمه‌سندن بر جوق خصوصاً ده اوزاقلشد بریحی تصحیحات یایمغه و اصول محاکمه‌مزی تشکیلات حاضرده اویدرمغه مجبور اولماز ایدی». جواد بک بالخاصه محدود بعض منطقه‌لر ایچون استیناف محاکمی تشکیلی ضروری عد ایتمکدهدر. تحیفه: ۲۶

جواد بک، اثرنده تطبیقات حقوقیه‌ک دیگر اقسام حقوق ایله مناسبتنی ده تدقیق ایتمکدهدر. مؤلف؛ تشکیلات اساسیه قانونی ایله تطبیقات حقوقیه آره‌سنده کی مناسبتی تدقیق ایدرکن حاکم‌لرک، قانونلرک تشکیلات اساسیه‌یه موافقتی تدقیق ایدیه‌یله چکی مطالعه‌سینه وارمقددر. بو خصوصه‌ک مناقشه‌لر خاطر لردهدر. مسئله اول امرده پارس حقوق فاکولته‌سی مدرسلرندن مه‌سترک بیلکیلر مجموعه‌سینک ایلمک نسخه‌سنده نشر ایدیلن «تشکیلات اساسیه قانونلرینه نظراً قوانینک حقوقی مراقبه‌سی» مقاله‌سی ایله اورته‌یه آتیلیمشد.

مه‌ستر، تشکیلات اساسیه‌نک ۱۰۲ نجی ماده‌سینه استناداً تورک حاکم‌لرینک بو حق‌لری قبول ایدیور. بز حقوق فاکولته مجموعه‌سینک ایلول ۹۲۷ نسخه‌سنده (بو مقاله یکی حقوق اصول محاکمه‌لری قانونی شرحه عمومی مدخل عنوانیه‌ک کتاب شکلنده نشر ایدلمشد) قانون مذکورک ۵۲ نجی ماده‌سینه استناد ایله مخالف قناعتده بولندق. مع مافیه نظری اولارق بو فکری معقول بولمش ایدک. ده صوکر غاد فراقو بک بیلکیلر مجموعه‌سینک ۱۸ نجی نسخه‌سنده وقروقات فاکولته مجموعه‌سینک تشرین‌مائی ۹۲۷ نسخه‌سنده مه‌سترک فکرلرینه طرفدار اولمشدرد. موسیو قروقات، مدرس مصلح‌الدین عادل بکک رأی ایله احتجاج ایتش، مدرس معرومدحت بکک مخالف قناعتده اولدق‌لری بیان ایتشد.

بيلکيلارک ۲۰ نجی نسخه سنده ایسه ازمیر مبعوثی انور بکک علیده، مصطفی نوری بکک لهده مطالعه لری مندرجدر .

جواد بک، لایحه ده کی « اقرار فصلنه لاحقه » سنک عدلیه انجمنی طرفندن طی ایدلمسی تنقید ایدرکن اقرارک مواد تجاریه ده قابل تجزی عد ایدنامسی بالعکس حقوقده قابل تجزی عد ایدلمسنک محذورینه اشارت ایتشددر . بو خصوصده کی مطالعه من ایچون یکی حقوق اصول محاکمه لری قانونی شرحه مراجعت . ماده : ۲۳۶، نومرو : ۸

حقوق فاکولته سی مدرسلرندن : مصطفی رشید

استانبول اجرا رئیس احمد رفیق بک افندی طرفندن اعلام سر اجرا اصولی عنوانی تحتده اخیراً ساحه افشاره وضع ایدیلان کتابک بر نسخه سی المزه کجی . اجرا ایشلرنده کی وقوف واختصاص تامیله تمایز ایتش وقدرت علمیه ومعاملات اجرایه ده کی عماره سیله طائمش اولان احمد رفیق بک افندی بو اثریله صوک نشر ایدیلان قانونی بک کوزل بر اسلوب ، سلیس و واضح بر افاده ، مقنع و وجیز بر شکلده شرح وتفسیر بیورمشلرددر . کتاب بر باشلانغیچ واسو یچرده اجرا تشکیلاتی، ویکی قانونک محیطمزدده کی تأثیرلری ، وتکلیف قانونی اسباب موجهه سی، عدلیه انجمنی مضبته سی ، قانون مذکور حقده بیوک ملت مجلسنده کچن مذاکره لری، اسو یچره اجرا قانونک قانونمزه مأخذ اولان حکملری، اجرا صلاحیتی، قانونک متنی وشرعی وقانونک صکی بختلرنی حاویدر . هر کتابده معناد اولان مقدمه باشلانغیچ ایله مباحث سائر درین تدقیق وتبعارک محصولی اولان قیمتدار مطالعاتی احتوا ایتکده اولوب بالعموم مسلکداشلرک واجرا ایله علاقه دار اولان ذواتک بردانه ایدیلمری الزمدر . بو اثر قیمتداری کتبخانه عدلنزه اهدا بیوران مشارالیه خاصه تبریک ایله تقدیر وشکرانلرمزی عرض ایلرز . مذکور کتاب برلیرا مقابلنده استانبول باروسنده صایلمقددهدر . بو کتاب حقنده آریجه بر تدقیق نشرایده جکزر .

دار الفنون مدرسلرندن ومجموعه من محررلرندن مصطفی رشید بک افندی حقوق اصول محاکمه لری قانونی شرحی عنوانیله قیمتدار بر اثر نشر ایتشلرددر . اثر مذکور حقنده کی تتبع کله جک نسخه مزده درج اولنه جقدر .

قیمتلی حاکم لرمزدن ازمیر تجارت رئیس محترمی احمد ضیا بک افندی طرفندن شرح ایدلمکده اولان تجارت قانونک ایکنجی فورمه سی انتشار ایتشددر . بالعموم مسلکداشلره حرارتله توصیه ایدرز .